



叹息，远行多所怀。（三解）我心何怫郁，思欲一东归。何怫郁，思欲一东归。水深桥梁绝，中道正徘徊。（四解）迷惑失径路，暝无所宿栖。失径路，暝无所宿栖。行行日以远，人马同时饥。（五解）担囊行取薪，斧冰持作糜。担囊行取薪，斧冰持作糜。悲彼东山诗，悠悠使我哀。（六解）（清调曲^[1]《苦寒行》二首六解。魏文帝本辞每解中无叠句。）

出西门，步念之。今日不作乐，当待何时？（一解）夫为乐，为乐当及时。何能坐愁怫郁，当复待来兹！（二解）饮醇酒，炙肥牛。请呼心所欢，可用解愁忧。（三解）人生不满百，常怀千岁忧。昼短而夜长，何不秉烛游！（四解）自非仙人王子乔，计会寿命难与期！自非仙人王子乔，计会寿命难与期！（五解）人寿非金石，年命安可期？贪财爱惜费，但为后世嗤。（瑟调曲《西门行》六解，古诗本辞较此为简。）

皑如山上雪，皎若云间月。闻君有两意，故来相决绝。（一解）平生共城中，何尝斗酒会？今日斗酒会，明旦沟水头。蹀躞御沟上，沟水东西流。（二解）郭东亦有樵，郭西亦有樵。两樵相推与，无亲为谁骄？（三解）凄凄重凄凄，嫁娶亦不啼。愿得一心人，白头不相离。（四解）竹竿何袅袅！鱼尾何离离！男儿欲相知，何用钱刀为？**弦**如马噉

[1] 清调曲 底本作“平调曲”。按：《苦寒行》为清调六曲之一，据改。